



STRENGTHENING FEMINIST MOVEMENTS GRANTMAKING PROGRAMME

CALL FOR APPLICATIONS 2021-22

Mga Madalas na Tanong (Frequently Asked Questions)

ELEGIBILIDAD (MGA ANGKOP NA KATANGIAN)

Paano ako magpapasya kung dapat mag-aplay para sa gawad ng Strengthening Feminist Movements (SFM) o ng Leading From the South (LFS)?

Mangyaring basahin nang mabuti ang mga pamantayan sa pagiging karapat-dapat sa dokumento ng *call guidelines* ng gawad ng dalawang programa upang makapagpasya kung saan magsusumite ng inyong aplikasyon. Hanapin ang *Call Guidelines* o Mga Alituntunin sa Panawagan ng SFM [dito](#) at ng LFS [dito](#). Maaari mo ring sagutan ang Quiz [dito](#) upang suriin kung saan pinaka-angkop ang iyong aplikasyon.

Ang mga indibidwal na aplikasyon ay tatanggapin lamang sa ilalim ng programa ng gawad ng SFM.

Sinusuportahan ng SFM ang mga aktibista, grupo at network na nagtataguyod ng mga karapatan ng kababaihan, batang babae, trans, at intersex at nagtatrabaho sa antas lokal, sub-nasyonal, at pambansa. Samakatuwid, kung ikaw ay isang panrehiyon o pandaigdigang samahan o network, o isang peministang nagpopondo, at/o mayroong taunang badyet na lumalagpas sa USD 50,000, maaari kang mag-aplay para sa gawad ng LFS, matapos suriin ang mga pamantayan sa pagiging karapat-dapat.

Kung ikaw ay isang grupo o isang organisasyon na nagtatrabaho sa lokal, sub-nasyonal, at pambansang antas, nakarehistro, at mayroong taunang badyet na



USD 20,000 o mahigit, maaari mong tingnan ang pag-aaplay para sa kategorya ng Frontline Defenders sa ilalim ng programa ng LFS.

Mahalagang tandaang ang panahon para mga gawad ng SFM ay mula 6 na buwan o 1 taon para sa maximum na USD 10,000, habang ang 3-taong gawad ay nakalaan para sa maximum na USD 55,000 sa ilalim ng kategoryang LFS Frontline Defenders.

Karapat-dapat ba ang aking bansa sa siklo ng gawad na ito?

Ang kasalukuyang panawagan ay bukas sa mga aplikante na nakabase sa Bangladesh, Bhutan, Cambodia, India, Indonesia, Lao PDR, Malaysia, Maldives, Mongolia, Myanmar, Nepal, Pakistan, Philippines, Sri Lanka, Thailand, Timor-Leste, at Vietnam.

Kwalipikado ba ang aking organisasyon para sa pagpopondo kung natutugunan ang minimum na pamantayan na 60% kababaihan, batang babae (edad 18-24), trans, o intersex, ngunit hindi natutugunan ang kinakailangang pamantayan para sa board?

Ang mandato ng WFA ay suportahan ang mga organisasyon at inisyatibang pinamumunuan ng kababaihan, batang babae, trans, at intersex. Nangangahulugan ito na kung ang inyong organisasyon ay naglalayong isulong ang karapatang pangkababaihan, batang babae, trans at intersex, kailangan magkaroon ng 60% na representasyon ng mga kababaihan, batang babae (edad 18-24), trans, interseks sa parehong staff at board ng inyong organisasyon. Mangyaring tandaan na ang board at staff ng aplikanteng organisasyon ay dapat na kinatawan ng rehiyon at/o bansang nasa ilalim ng mandato ng WFA.

Maaaring may ilang pleksibilidad na igawad sa mga kritikal na interbensyon na hindi natutugunan ng mga kwalipikasyon sa organisasyon, ngunit ang mga ito ay napaka-limitado, at ganap na nakasalalay sa kalikasan ng interbensyon at ang pampulitikang konteksto kung saan nagaganap ang interbensyon.

Kwalipikado ba ang aking samahan para sa pagpopondo kung lahat ng nasa board at staff ay kababaihan, ngunit ang executive director ay isang lalaking cis?

Sa kasamaang palad ay hindi. Tulad ng ipinaliwanag sa itaas, sinusuportahan ng WFA ang mga grupong may mga kababaihan, batang babae (edad 18-24) trans at intersex



people sa mga posisyon ng pagdedesisyon. Maaaring may ilang pleksibilidad na igagawad sa mga kritikal na interbensyon, ngunit ito ay ginagawa nang lubhang bihira at batay sa bawat kaso.

Kami ay isang grupo na binubuo ng mga batang babaeng mas bata sa edad 18. Maaari ba kaming mag-apply para sa panawagang na ito?

Sinusuportahan ng WFA ang mga batang babae sa dalawang antas: sa pamamagitan ng direktang pagpopondo ng mga grupo na pinamunuan ng batang babae sa pagitan ng edad na 18 hanggang 24, at sa pamamagitan ng pagsuporta sa mga gawain sa karapatan ng kabataang kababaihan at batang babae na may edad 13 pataas. Maaari kang mag-aplay para sa suporta kung mayroon kayong mga batang babae na wala pang 18 taong gulang bilang mga miyembro ng iyong board at istaf. Gayunpaman, ang board at staff na namumuno ay dapat na 18 taon o mas mataas dahil ang WFA ay hindi makaka-kontrata sa mga grupong ang pamunuan ng board o staff ay mas mababa sa 18 taong gulang. Hindi sinusuportahan ng WFA ang mga samahan na ang gawain ay nakatuon sa batang babae na wala pang 13 taong gulang.

Karapat-dapat ba kami kung ang aming taunang badyet ay higit sa USD 50,000?

Ang programa ng WFA na Strengthening Feminist Movements ay umiiral upang suportahan ang mga grupong katutubo na may limitadong pag-access sa pagpopondo. Ang mga grupo na may taunang badyet na higit sa USD50,000 ay hindi umaangkop sa mga pamantayan sa pagiging karapat-dapat sa ilalim ng program na ito. Mangyaring suriin ang mga pamantayan sa pagiging karapat-dapat para sa [Leading from the South grant 2021-22](#) na kasalukuyang tumatanggap din ng mga aplikasyon.

Kung kami ay isang bagong organisasyon na hindi pa nakatanggap ng anumang pondo, maaari ba kaming mag-apply?

Malugod na tinatangkilik ng WFA ang pag-aapply ng mga bagong inisyatiba/grupo.

Kailangan bang magparehistro upang mag-apply?

Kung ang iyong organisasyon ay hindi nakarehistro o di nagmamay-ari ng kinakailangang dokumentasyon, mangyaring sumulat sa amin nang hindi bababa sa dalawang linggo bago mag-apply at maaari nating galugarin ang inyong mga pagpipilian. Makakakontra lamang ang WFA sa mga indibidwal o organisasyon na



tumutupad sa mga ligal na kinakailangan upang makatanggap ng dayuhang pondo sa kanilang bansa.

Maaari bang mag-aplay ang mga kasalukuyang grantee ng WFA sa panawagang na ito?

Oo. Ang panawagang ito ay bukas sa nakaraan at kasalukuyang pinagkalooban ng gawad ng WFA na nakatutugon sa mga pamantayan sa pagiging karapat-dapat sa panawagan. Gayunpaman, kung mayroon kang isang kasalukuyang nagpapatuloy na gawad na magtatapos lampas sa Disyembre 2021, hindi ka angkop para sa gawad na ito.

Nag-apply kami sa Women's Fund Asia para sa isang nakaraang gawad ngunit hindi nakatanggap ng pondo. Maaari ba kaming mag-apply muli?

Mangyaring tiyakin na natutugunan ninyo ang mga pamantayan sa pagiging karapat-dapat na itinakda ng WFA, na ang iyong iminungkahing trabaho ay umaangkop sa Mga Alituntunin sa Panawagan (*Call Guidelines*), at kung oo, mangyaring mag-apply muli. Tandaan din na ang proseso ay mahigpit na kumpetisyon, at nakakatanggap kami ng malaking bilang ng aplikasyon sa bawat panawagan.

Maaari bang mag-apply ang mga pondong peminista / kababaihan / trans / intersex?

Hindi para sa Strengthening Feminist Programme. Kung kayo ay isang rehistradong pondo ng peminista, pambabae, trans, at intersex, at nagtatrabaho sa 17 mga minandatong bansa nang may minimum na tatlong taon, maaari kang mag-apply sa ilalim ng programa ng LFS. Mangyaring tingnan and [LFS Guidelines and FAQs](#) para sa karagdagang impormasyon.

Maaari bang mag-apply ang mga indibidwal?

Oo, maaaring mag-apply ang mga indibidwal na aktibista. Ibinibigay namin ang mga gawad na ito batay sa kagalingan ng aplikasyon at kaugnayan ng trabaho sa mas malalaking kilusan ng mga karapatang pangkababaihan, batang babae, trans, at interseks. Gayunpaman, binibigyan namin ng prayoridad ang mga gawad na pang-institusyon at nakaprograma. Kung nakabase ka sa Bangladesh, India, at Pakistan, mangyaring sumulat muna sa amin upang tuklasin ang iyong mga



pagpipilian. Mangyaring basahin din ang mga pamantayan sa pagiging karapat-dapat upang makita kung kwalipikado kang mag-apply. Ang mga aplikante ay maaaring mag-apply para sa maximum na USD 5,000 sa panahong 6 na buwan o 1 taon.

Maaari bang mag-apply ang mga pambansang tanggapan ng mga multilateral na organisasyon, mga organisasyong pandaigdigang, mga organisasyong internasyonal na di-gobyerno (INGO), at mga pinansyal na organisasyong pandaigdigang?

Mangyaring tandaan na ang mga lokal na sangay, balangay, subsidiary, o pambansang tanggapan ng mga multilateral na organisasyon, organisasyong internasyonal, INGO, at mga pandaigdigang organisasyong pinansyal ay hindi karapat-dapat na mag-apply para sa gawad na ito. Hinihimok namin kayo na maingat na basahin ang pakete ng Panawagan para sa Mga Aplikasyon at ang aming pamantayang panteknikal. Ang pangunahing mandato ng WFA ay suportahan ang mga aktibista at organisasyon para sa karapatang pangkababaihan, batang babae, trans at intersex sa Asya at upang matugunan ang kawalan ng mga mapagkukunang yaman para sa mga gawain sa karapatang pangkababaihan at mga trans sa rehiyon. Mangyaring tandaan din na sinusupportahan ng WFA ang mga grupong pangkarapatan na pinamumunuan ng kababaihan, batang babae (edad 18-24), trans, at mga intersex na ang pangitain at misyon ay nakaugat sa rehiyon. Kung kayo ay isang grupong nagsusulong sa karapatang pangkababaihan, batang babae (edad 18-24), trans, at intersex na pangrehiyon o pandaigdigang organisasyon o network, hindi kayo karapat-dapat para sa gawad ng SFM ngunit maaaring mag-aplay para sa gawad ng LFS, matapos suriin ang mga pamantayan sa pagiging karapat-dapat.

URI AT PANAHOON NG GAWAD

Ano ang sukat at panahon ng gawad ng SFM?

Ang katagalan ng isang gawad ay alinman sa 6 na buwan o 1 taon. Kung ito ay unang gawad sa inyong organisasyon, maaari mong asahan na ang gawad ay nasa loob ng saklaw na USD 5,000-7,000. Ang aming mga pangmatagalang kasosyo sa organisasyon (higit sa 1 taon) ay maaaring gawaran ng hanggang USD 10,000. Ang isang indibidwal na gawad ay hindi maaaring lumagpas sa USD 5,000. Ang pinal na sukat ng gawad na pondo ay nakasalalay sa WFA at batay sa pagkakaroon ng pondo.



Ano ang pang-institusyong gawad?

Ang isang pang-institusyong gawad ay isang uri ng suporta na maaaring hilingin upang punan ang iba't ibang kakulangan sa pondo sa inyong organisasyon. Ang suporta na ito ay hindi kinakailangang nakatali sa 'mga proyekto.' Nangangahulugan ito na maaari kang mag-apply sa amin upang sakupin ang mga gastos na kinakailangan upang magpatakbo ng isang organisasyon, kabilang ang mga gastusing administratibo, pinansyal na pamamahala at operasyon, tulad ng sahod, upa, kagamitan, paglalakbay, pagpapanatili ng opisina, ligal at pinansyal na tuntunin (tulad ng audit), pagpapalakas ng kakayahan ng organisasyon, pagbubuo ng estratehiya, at iba pa. Gayundin, maaari ring suportahan ng gawad pang-institusyon ang kasalukuyang programa, inisyatiba, at pakikipagtulungan.

Habang nag-aapply para sa isang pang-institusyong gawad, maaari kang humiling ng bahagyang suporta para sa operasyon at bahagyang suporta sa programa o tanging suporta sa operasyon (bilang kahalili, maaari kang mag-apply para sa suportang programatiko). Binibigyan ng pleksibilidad ng gawad pang-institusyon ang mga organisasyong magpasya kung saan kinakailangan ang pondo at kumuha ng pondo upang punan ang mga kakulangang ito. Habang nagbibigay ng pang-institusyong gawad, hihilingin mula sa inyo ng WFA na magbigay ng impormasyon tungkol sa iyong pangkalahatang trabaho, mga estratehiya, at mga inaasahang resulta sa halip na sa isang partikular na programa/proyekto ng organisasyon.

Nagbibigay ba ang WFA ng Gawad Pang-kagipitan (Emergency)?

Hindi, ang WFA ay hindi nagbibigay ng mga gawad pang-kagipitan. Gayunpaman, huwag mag-atubiling makipag-ugnayan sa amin sa applications@wf-asia.org at gagawin namin ang aming makakaya upang iugnay kayo sa iba pang mga mapagkukunan ng pondo.

Mayroon bang mga estratehiya o aktibidad na hindi ninyo sinusuportahan?

Hindi pinopondohan ng WFA ang anumang estratehiya na sumasalungat sa peminista, mga pamamaraang batay sa pangkarapatan, tulad ng kontra trabahong seksual, kontra-aborsyon, mga kontra sa karapatan ng LGBTIQ, at gawaing pagsalakay at pagsagip. Bilang karagdagan, hindi namin pinopondohan ang mga sumusunod:

- Komersyal na aktibidad



- Mga aktibidad ng microedit, microfinance at iba pang paghahanap ng kita
- Suporta sa edukasyon, sponsorship, iskolarship, at mga fellowship
- Mga aktibidad sa pagbibigay-serbisyo tulad ng pagpapatakbo ng mga kampong pangkalusugan
- Direkta o hindi direktang mga interbensyon sa mga aktibidad pampulitika o batay sa partido tulad ng mga kampanya sa halalan, proseso ng halalan, pagsuporta o pagtutol sa isang kandidato sa pulitika sa panahon ng halalan, at mga kontribusyon sa mga partidong pampulitika o pondo ng indibidwal na kandidato (kahit na independyente)
- Pagbili ng lupa o anumang aktibidad sa konstruksyon
- Mga pondo para sa *emergency* o panaklolo (*relief*)
- Pang-akademikong pananaliksik

TERMINOLOHIYA

Ano ang ibig mong sabihin sa 'trans' people?

Ang "trans" bilang isang termino ay ginagamit ng WFA bilang isang placeholder upang masakop ang pagkakaiba-iba ng mga pagkakakilanlang kasarian at mga porma ng ekspresyon ng kasarian na inaangkin ng mga tao sa buong rehiyon at sa buong mundo. Sinusuportahan ng WFA ang mga karapatan ng trans, kasama na ang transfeminine, transmasculine, kasariang queer, kasariang hindi binary, at mga taong hindi umaayon sa kasarian, bukod sa iba pang pagkakakilanlan.

Ano ang ibig mong sabihin sa intersex people?

"Ang intersex people ay ipinanganak na may mga katangiang pangkasarian (kabilang ang genitalia, gonad, at mga pattern ng chromosome) na hindi umaangkop sa mga tipikal na binary na paniniwala sa katawan ng lalaki o babae. Ang intersex ay isang malawakang termino na ginagamit upang ilarawan ang isang malawak na hanay ng mga natural na pagkakaiba-iba ng katawan. Sa ilang mga kaso, ang mga katangiang intersex ay nakikita sa pagsilang habang sa iba, hindi ito ganap hanggang sa puberty. Ang ilang mga pagkakaiba-ibang chromosomal intersex ay



maaaring hindi kagyat na makikita sa pisikal na paraan."¹

Ano ang ibig mong sabihin sa Lalakeng-Cis/Babaeng-Cis?

Inilalarawan ng Cisgender/ Lalakeng-Cis/Babaeng-Cis ang mga tao na ang pagkakakilanlan ng kasarian ay tumutugma sa kanilang nakatalagang kasarian sa pagsilang. Ito ay ang kabaligtaran na termino, o antonim sa transgender.²

Ano ang ibig mong sabihin ng 'peministang interbensyon'?

Sinusuportahan namin ang mga interbensyon na batay sa mga prinsipyong peminista, na tumutukoy sa hindi pagkakapantay-pantay, diskriminasyon, at kapangyarihan, at may mga elemento ng ahensya ng tao, pamumuno, awtonomiya, at paggawa ng desisyon ng kababaihan, batang babae, trans at intersex. Hinahamon ng mga interbensyong peminista ang mga proseso ng diskriminasyon at pagsasaisantabi, sa kasaysayan at sa mga institusyon, na humantong sa mga pinsala at pagtanggì sa mga karapatan ng mga komunidad ng kababaihan, batang babae, trans at intersex persons.

Ano ang ibig sabihin ng programang batay sa karapatan?

Kasama sa mga programang batay sa karapatan ang mga elemento ng mga kasalukuyang balangkas ng karapatang pantao. Nangangahulugan ito na sentral sa programa ng mga samahan ang mga karapatan ng kababaihan, batang babae, trans at intersex people at ang kanilang tinig, pamumuno, at paggawa ng desisyon ay mahalagang bahagi ng programa. Ang balangkas ng estratehiyang batay sa karapatan ay may mga sumusunod na elemento: pagkilala sa mga karapatan; paggamit ng mga karapatan; pag-angkin ng mga karapatan at pagwawasto ng mga paglabag; at pagpapanatili ng mga nakamit at ebolusyon ng mga karapatan.

PAGSUMITE NG PROPOSAL

¹ Astraea Foundation, "Frequently Asked Questions About Intersex Issues." Accessed on 10 August 2020. <<https://www.astraeafoundation.org/frequently-asked-questions-intersex-issues/>>. Citing Free and Equal--United Nations for LGBT Equality, Intersex Factsheet. <<https://www.unfe.org/wp-content/uploads/2017/05/UNFE-Intersex.pdf>>.

² Asia Pacific Trans Network, "Legal Gender Recognition : A Multi-Country Legal and Policy Review in Asia". Accessed on 10 August 2020. <https://weareaptn.org/wp-content/uploads/2019/05/UPDATED-ACKNOWLEDGMENTS-2019_rbap-hhd-2017-legal-gender-recognition-1.pdf>



Saang mga wika maaari naming isumite ang panukala? Maaari ba naming isumite ang application sa pamamagitan ng email?

Ang bungkos ng aplikasyon ay maaaring i-download sa Ingles at sampung mga rehiyonal na wika: Bahasa Indonesian, Bangla, Filipino, Hindi, Mongolian, Nepalese, Sinhala, Tamil, Thai, at Vietnamese. Maaari mong isumite ang iyong aplikasyon sa alinman sa mga wikang ito. Tumatanggap din kami ng aplikasyong nakasulat sa Bahasa Melayu, Burmese, Dzongkha, Khmer, Lao, Tetum, at Urdu, bagaman ipinagpapaumanhin namin na wala kaming kasalukuyang kakayahan na isalin ang aming bungkos ng aplikasyon sa mga wikang ito. Kung nag-a-apply kayo sa mga wikang nabanggit, mangyaring i-download ang form at i-email ang iyong aplikasyon sa applications@wf-asia.org sa nakatakdang araw.

Ang mga aplikasyon ay maaaring gawin online o sa pamamagitan ng email. Ang form sa online na aplikasyon ay magagamit lamang sa Ingles at maaari lamang isumite sa Ingles. Mangyaring bisitahin ang [SFM_page](#) para sa karagdagang impormasyon. Mangyaring tiyakin na sundan ang mga link sa wastong format ng aplikasyon at isumite ang iyong aplikasyon bago ang ika-12 ng hatinggabi, 2 Abril 2021, oras ng Sri Lanka.

Ang aking mga dokumentong pang-organisasyon ay nasa isang lokal na wika. Paano ko isusumite ang mga ito?

Kung alinman sa kinakailangang dokumentasyon ay nasa isang wikang maliban sa Ingles, kakailanganin mong magbigay ng isang [isinalin at napatunayang](#) kopya ng parehong dokumento sa Ingles. Kung ang na-audit na ulat ay nasa isang wikang maliban sa Ingles, sa minimum, ang mga sumusunod na pahina ay dapat isalin sa Ingles: pahina ng opinyon ng Mga Auditor, Balance Sheet, at Income Statement.

Maari ba kaming magsumite ng higit sa isang aplikasyon?

Ang mga indibidwal at organisasyon ay maaari lamang magsumite ng ISANG aplikasyon para sa Programang Strengthening Feminist Movements. Kung higit sa isang aplikasyon ang naisumite, ang unang pagsusumite lamang ang isasaalang-alang. Ang mga karagdagang aplikasyon mula sa isang organisasyon ay isasaalang-alang kung ang mga ito ay ginawa sa ngalan ng/kasama ng partner o nakikipagtulungang samahan. Bilang karagdagan, ang isang organisasyon ay maaari ring magsumite ng



aplikasyon sa programa ng Leading from the South kung maipapasa nila ang pamantayan sa pagiging karapat-dapat. Gayunpaman, kahit na ang parehong mga aplikasyon sa ilalim ng SFM at LFS ay napili, ang organisasyon ay makakatanggap lamang ng isang gawad.

Maaari bang magsumite ang isang organisasyon ng isang aplikasyon bilang isang pangunahing aplikante at isa pa bilang bahagi ng isang kolaborasyon?

Oo. Tulad ng nabanggit sa itaas, posibleng mag-apply ang isang samahan bilang isang nangungunang aplikante sa isa pa para sa trabahong pang-kolaborasyon. Gayunpaman, mangyaring tandaan na ang pagrepaso at proseso ng pagpili ng Women Fund Asia ay naglalayong matiyak na ang mga pondo ay hindi konsentrado at mas pantay na ipinamamahagi sa mga piling grantee, heograpiya, estratehiya, at interbensyon. Mangyaring isaalang-alang din ang maximum na gawad suporta na ibinigay sa programang ito habang nagpapasya sa modalidad ng iyong aplikasyon.

Ano ang binibigyan prioridad ng WFA: mga dating partner o bagong mga gawad?

Ito ay isang hamon para sa WFA, tulad din sa ibang mga grupo ng donor, higit sa lahat dahil sa limitadong mapagkukunang yaman. Sinasadyang gawin ng WFA ang isama ang mga mas bagong partner bawat taon, habang sinusuportahan din ang mga dating partner upang matiyak ang patuloy na suporta sa loob ng nakatakdang panahon. Sa mga rekurso na mayroon kami sa bawat siklo ng gawad, ginagawa namin ang mahirap na pagpapasyang ito sa paglalaan ng pera sa pagitan ng bago at nagpapatuloy na mga partner. Bilang isang halimbawa, sa huling siklo ng gawad ng WFA, 42% ng mga gawad ay nilaan sa mga nagpapatuloy na partner at 58% sa mga bagong grantee, partikular na sa pagpapalawak ng aming panawagan sa Timog Silangang Asya at Silangang Asya. Ito ay higit sa lahat dahil pinalawak namin ang aming pagbibigay ng gawad mula lima hanggang 17 na mga bansa.

Hindi lahat ng mga dokumento na nakalista sa Checklist ay mayroon kami. Ano ang dapat naming gawin?

Mangyaring sumulat sa amin ng hindi bababa sa dalawang linggo bago ang pagsasara ng panawagan. Kung mayroon kang ilang dokumentasyon, ngunit hindi lahat, siguraduhing ibahagi ang paliwanag sa iyong aplikasyon. Kung wala ka ng karamihan



sa mga nakamandatong dokumento, malamang na hindi ka karapat-dapat, kaya i-check muna sa amin. Tandaan na ang isang aplikasyon ay hindi makakapasa sa pangunahing pagsusuri kung ang anumang mga kinakailangang dokumento ay nawawala at/o mga paliwanag ay hindi ibinigay para sa hindi pagsumite ng mga ito -- ang nasabing aplikasyon ay maituturing na hindi kumpleto. Mangyaring tandaan din na ang mga aplikasyon lamang na nasa sa tamang format ang mapoproseso. Ang checklist ay matatagpuan [dito](#).

Kailan ang deadline ng pagsumite?

Ang deadline ay 2 Abril 2021 sa ika-12 hatinggabi ng oras ng Sri Lanka/GMT + 5:30. Inirerekomenda namin na isumite ang kumpletong form ng aplikasyon at lahat ng suportang dokumento 2-3 araw bago ang deadline, upang maiwasan ang anumang mga problema na maaaring makaengkentro ng aming sistema. Mangyaring tiyakin na ang iyong aplikasyon ay kumpleto kasama ang lahat ng kinakailangang dokumento.

PROSES NG PAGPILI

Ano ang proseso ng pagpili ng gawad sa WFA?

Matapos ang deadline ng panawagan, ang team ng WFA ay bubuo ng isang database ng lahat ng mga aplikasyon na natanggap at magsasagawa ng pangunahing pagsusuri batay sa mga pamantayang teknikal. Ang mga nakalistang aplikasyon ay susuriin batay sa mga estratehiya at aktibidad na iminungkahi, pamamaraan o approach, pagiging kritikal ng interbensyon, konteksto, pamumuno, at grupo ng taong pinagsisilbihan, bukod sa iba pa. Nakikipag-ugnayan ang team ng WFA sa mga nakalistang aplikante sa pamamagitan ng email o mga tawag upang linawin ang anumang karagdagang mga katanungan. Sinusundan ito ng pinansyal at ligal na pagsusuri, pati na rin ang mga pagsisiyasat sa references. Ang huling mga listahan ng na-shortlist ay ibinabahagi sa panrehiyong komite sa pagpapayo ng WFA. Batay sa ebalwasyon ng tagapayo, ang mga gawad ay gagawing pinal.

Gaano katagal pinoproseso ng WFA ang mga aplikasyon?

Mula sa deadline, tumatagal ng halos 5 buwan upang masuri at ma-shortlist ang mga aplikasyon.